

Ed.

474. Lög

um kosningar í bæjarmálefnum Reykjavíkur.

(Afgreidd frá Ed. 28. apríl).

1. gr.

Kosningarrjett við bæjarstjórnar- og borgarstjórakosningar, svo og við kosningu nefnda eða opinberra starfsmanna, er vinna í bæjarins þarfir og

kjósa ber með almennum kosningum, hafa allir bæjarbúar, konur og karlar, sem eru 25 ára eða eldri og hafa ált lögheimili í bænum í eitt ár, þegar kosning fer fram, og fullnægja að öðru leyti skilyrðum fyrir kosningarrjetti til Alþingis.

Kjörgengur er sá, er kosningarrjett hesir. Þó mega hjón aldrei sitja samtimis í bæjarstjórn, eigi heldur foreldrar og börn nje móðurforeldrar eða föðurforeldrar og barnabörn þeirra. Heimilt er konu jafnan að skorast undan kosningu.

2. gr.

Kjörskrá sú og aukakjörskrá, sem árlæga eru samdar yfir kjósendur til Alþingis, skulu og gilda fyrir kosningar í bæjarmálefnum fyrir sama tíma-bil og til alþingiskosninga.

3. gr.

Pegar kosning á fram að fara, skal borgarstjóri auglýsa dag, stað og stundu með 6 vikna fyrirvara og samtimis leggja fram eftirrit af gildandi kjör-skram.

4. gr.

Kosningu stýrir kjörstjórn, og eru í henni borgarstjóri, sem er oddviti kjörstjórnar, og tveir bæjarfulltrúar, sem bæjarstjórnin kýs. Auk þess skal bæj-arstjórnin kjósa two bæjarfulltrúa til vara í kjörstjórnina, og tekur varamaður sæti í kjörstjórninni í forföllum þess aðalmanns, sem kosinn er á sama lista. Við borgarstjórakosningu og í forföllum borgarstjóra skal forseti bæjarstjórnar, eða varasforseti í forföllum hans, gegna slörfum oddvita.

5. gr.

Lista þá, sem kjósa skal um, skal afhenda oddvita kjörstjórnar ekki síðar en á hádegi 20 dögum á undan kosningu. Við aukakosningar getur bæjarstjórn stytt þennan frest um helming.

6. gr.

Kjósendur, sem ekki geta verið viðstaddir á kjördegi, geta neytt at-kvæðisnjettar sins í skrifstofu bæjarfógeta í Reykjavík og á skipum frá Reykjavík, eftir sömu reglum og gilda við kosningar til Alþingis, þegar eins stendur á.

7. gr.

Með lögum þessum eru úr gildi numin lög nr. 49, 30. júlí 1909, að því er Reykjavík snertir, og 7. og 8. gr. í tilskipun 20. apríl 1872, um bæjar-stjórn í kaupstaðnum Reykjavík, og önnur lagaákvæði, sem fara í bága við lög þessi.